

Nuwe Lied Bediening

En Hy het 'n nuwe lied in my mond gegee, 'n lofsang tot eer van onse Elohiem (Ps. 40:4)

E-pos: kontak@nuwelied.info
 Webwerf: <http://www.nuwelied.info>

Yeshua is die Boom van die Lewe. Wanneer ons die Torah bestudeer moet ons onthou dat Yeshua Messias die Lewende Torah is – die Woord van YHVH wat vlees geword het – die Torah van Melgisédek. Hy is die weg na die waarheid wat lewe gee – die Lewende Manna wat uit die hemel gestuur is. Sonder Yeshua wat deur die Afgesonderde Gees in ons, en deur ons lewe, sal die Torah van YHVH net die dooie letter van die wet wees!!

Yeshua is die hart van die Vader!

Parashah 11: Vayigash (ויגש) – En Hy Het Nader Gekom

Toe kom Y'hudah nader na hom toe en sê: “O, my meester, laat u dienskneg asseblief 'n woord praat in die ore van my meester en laat u toorn nie teen u dienskneg ontvlam nie, want u is self soos Farao. Gen, 44:18 – PWL¹

Torah : Gen. 44:18 tot 47:27

Haftorah: Eseg. 37:15 tot 28

Nuwe Verbond: Matt. 10:6; 15:24; Joh. 5:1 tot 47; Rom. 9:1 tot 29; Rom. 11:13 tot 24; Efes. 2:11 tot 22.

Hierdie notas is aanvullend tot die vorige notas vir Parashah 11 wat afgelaai kan word by: [Parashah11Notas14](#) en [Parashah11Notas15](#).

From Yedidah. January, 2017.

If we do not base everything we believe on the whole Word – Genesis to Revelation – our mind becomes susceptible to the enemy's deceptions. Never believe what man teaches you, unless the Spirit of Yahuwah has taught you and man confirms! Man's intellect is certainly not any stable foundation for belief!!! Only the Spirit has the right to teach us the Word – so that we get 100% absolute Truth!

Abba does not speak to our intellect, for it is so unstable. It is always picking up information from man, the world – from a compilation of input by people or the enemy. Thus it triggers emotions that are not stable. The enemy is always trying. But, through the Spirit we discipline the mind to come under His control, as is our re-born spirit. Thus as we let Him teach us, and Him only, we shut the portal to the enemy. He brings confirmation of His teaching in the most

¹ Alle teksverwysings is geneem uit PWL_(Pad van Waarheid tot die Lewe) Vertaling (www.padwlewe.ch), behalwe waar anders vermeld. Om 'n kopie van die Bybel te bekom kan Gerrie Coetzee per e-pos by padwlewe@yahoo.com of telefonies by 074 361 2134 gekontak word.

amazing ways. I am always amazed at Him. All of our belief must be only based on what He tells us through the Word, and to our spirit personally. This is why we must have the gift of the discernment of spirits in operation every minute of every day. Deception given to believers by the enemy always includes random Scriptures to “prove” the deception. Beware! Go to Abba about everything!

When we're born again only one part of us is born again – the spirit. The mind has to subject itself to discipline in the Word and by the Spirit of Yahuwah, so that it submits to what He says in our spirit.

Hierdie woorde van Yedidah herinner ons aan Paulus se woorde:

3 want hoewel ons in die uiterlike liggaam lewe, maak ons nie oorlog volgens die vleeslike nie, 4 want die wapens van ons oorlog is nie van die vlees nie, maar vanuit die krag van God en daarmee onderwerp ons rebelse vestings, 5 ons breek argumente en elke hoë skeiding wat teen die kennis van God opgerig word, af en neem elke gedagte gevange tot gehoorsaamheid aan Die Gesalfde Een. 2 Kor. 10:3 tot 5.

Torah Bespreking

Hersiening

Ons moet onself voortdurend daaraan herinner dat YHVH 'n plan van herstel het wat oor duisende jare besig is om te ontvou en om in vervulling te kom. Hierdie plan het na die sondeval in die Tuin van Eden in werking gekom (Gen. 3:15) en sal volgens YHVH se tydlyn voltooi word. YHVH se plan kan in een woord opgesom word, naamlik: Versoening – versoening van die mens met YHVH deur die genade in Yeshua. Die besonderhede (detail) van hierdie plan is vervat in die Woorde, die Torah, van YHVH soos opgeteken is in die Skrifte van Gen. 1:1 tot Open. 22:21. Hierdie plan is ook te vinde in die woorde van die profete van ouds.

Josef was 'n belangrike 'rolspeler' in die uitvoering van YHVH se plan van herstel, soos wat deur Josef se woorde bevestig word toe hy aan sy broers gesê het:

God het my voor julle uitgestuur om julle as 'n oorblyfsel op die aarde te bewaar en om julle in die lewe te hou tot 'n groot verlossing. Gen. 45:7.

Yeshua Die Gesalfde Een is die Groot Verlossing tot vergifnis en versoening met YHVH!

Dit is ook belangrik om te onthou dat toekomstige profesieë dikwels moeiliker is om te verstaan as dié wat reeds in vervulling gegaan het. Ons moet egter altyd op soek wees na 'n patroon (siklus) wat YHVH in Sy Woord vestig, want dit help ons om toekomstige gebeure beter te verstaan!

Onthou die dinge wat van ouds af was, want Ek is God en daar is geen ander nie; Ek is God en daar is niemand soos Ek nie; wat van die begin af die einde verklaar en van die ou tyd af dinge wat nog nie gedoen is nie; wat sê: 'My plan sal stand hou en Ek sal al My begeertes uitvoer. Jes. 46:9 en 10.

Intussen leef ons met die hoopvolle verwagting van Yeshua se wederkoms en die voltooiing van YHVH se plan!

In hierdie week se Torahskriflesing leer ons van vergifnis en versoening, naamlik Josef wat die genade van vergifnis vrylik en onvoorwaardelik aan sy broers skenk.

Versoening Deur Vergifnis

Die versoening tussen Josef en sy broers is ‘n lewensles in versoening en eensgesindheid in familie verband, maar ook in geestelike familie verband! Josef was bereid om verskille en geskille te vergewe en te vergeet sodat daar liefdevolle eenheid in die familie kan wees. Waar daar liefde en eenheid is, daar is YHVH se seën!

Let op, hoe goed en hoe aangenaam is dit vir broers om saam te wees in eenheid! Dit is soos die kosbare olie op die kop en op die baard, die baard van Aharon, wat afloop op die kraag van sy kleed, soos die dou van Hermon wat val op die berg van Tziyon, want daar het יהוה die seën beveel, die lewe vir ewig! Ps. 133:1 tot 3.

Die broederliefde moet blywend wees (Heb. 13:1 – *Laat die liefde vir broers voortgaan tussen julle*), want dit is die behoud van ‘n familie en van die gemeente (volk) van YHVH.

Daarom is Yeshua se gebed vir sy dissipels dat hulle in Hom in liefde en eensgesindheid sal funksioneer.

20 Ek bid egter nie vir hulle alleen nie, maar ook vir die wat deur hulle boodskap in My sal vertrou 21 sodat hulle almal een mag wees net soos U, Vader, in My en Ek in U is en dat hulle ook in Ons een mag wees. 22 Ek het aan hulle die Gemanifesteerde Teenwoordigheid gegee wat U My gegee het sodat hulle een kan wees, net soos Ons Een is sodat die wêreld kan vertrou dat U My gestuur het; 23 Ek in hulle en U in My sodat hulle volledig een kan wees en sodat die wêreld kan weet dat U My gestuur het en hulle liefgehad het net soos U My liefgehad het. Joh. 17:20 tot 23.

Josef is dus ook ‘n sinnebeeld van een van die ander baie belangrike hoedanighede van Yeshua Messias, naamlik die genade van vergifnis van sonde tot versoening met YHVH!

want Hy wat geen sonde geken het nie, het Homself in jou plek ‘n sondoffer gemaak sodat ons deur Hom, die onpartydige opregtheid van God kan word. 2 Kor. 5:21.

Alleenlik deur vertrouwe in Yeshua as die offer tot vergifnis van sonde kan die mens die geregtigheid van God word! Yeshua is die weg tot die waarheid en ‘n lewe van vergifnis en versoening met die Vader (Joh. 14:6).

By wedergeboorte deur die Gees van YHVH sterf ons aan die eie-ek van selfsug en word ons diensknegte van ons Meester Yeshua. Ons begin die geloofspad terug na die Tuin van Eden stap waar ons saam met YHVH kan wandel en Sy stem hoor om alles te doen volgens Sy Torah soos dit in Yeshua vervul is! Dit is die pad van afgesonder vir YHVH waar ons Melgisédek Hoofpriester ons Middelaar is tot sonde vergifnis wanneer ons struikel.

As ons ons sondes erken en laat staan, is Hy vertrouenswaardig en regverdig om ons ons sondes te vergewe en Hy sal ons van alle boosheid reinig. 1 Joh. 1:9.

In Yeshua is ons deelhebbers van die nuwe verbond wat YHVH met die huis van Israel (Efraim, Josef) en die huis van Juda gesluit het (Jer. 31:31 tot 34; Heb. 8:8 tot 12). Daarom is dit belangrik om te onthou dat ons nie net in ‘n verbondsverhouding met YHVH-God staan nie, maar ook in ‘n verbondsverhouding met medegelowiges wat Yeshua as Messias bely.

Ons wat sterk is, is dit verskuldig om die swakhede van die wat nie sterk is nie te dra en nie onself tevrede te stel nie. Rom. 15:1.

Dra mekaar se laste, want so word jy volledig in die wet van Die Gesalfde Een. Gal. 6:2

Versoening tussen die huis van Josef en die huis van Juda.

Die geskiedenis van Josef is ook 'n sinnebeeld van die eenwording van die huis van Efraim (Josef, Israel) en die huis van Juda soos deur Esegïël geprofeteer was. Dit is dan ook die kernboodskap van hierdie week se Haftorah Skriflesing (Eseg. 37:15 tot 28).

Sê vir hulle: 'So sê יהוה-God: "Let op, Ek sal die seuns van Yisra'el uithaal van tussen die nasies waarheen hulle gegaan het en Ek sal hulle van alle kante af bymekaarmaak en hulle in hul eie land bring en Ek sal hulle een volk maak in die land, op die berge van Yisra'el en een Koning sal vir hulle almal Koning wees en hulle sal nie meer twee nasies wees nie en nie verder in twee koninkryke verdeeld wees nie. Eseg. 37:21 en 22.

Hierdie eenwording het reeds in die Hemelse Koninkryk, naamlik in die geestesrealm, plaasgevind.

Geestelik gesien is Eseg. 37:15 tot 20 deur die folterdood en opstanding van Yeshua tot vergifnis en versoening met YHVH vervul!

15 Die woord van יהוה het weer tot my gekom en gesê: 16 "Jy, seun van 'n mens, vat vir jouself een stok en skryf daarop: 'Vir Y'udah en vir die seuns van Yisra'el, sy bondgenote;' vat dan 'n ander stok en skryf daarop: 'Vir Yosef, die stok van Efrayim en die hele huis van Yisra'el, sy bondgenote.' 17 Sit hulle vir jouself bymekaar, die een by die ander, in een stok sodat hulle een kan word in jou hand. 18 Wanneer die seuns van jou volk met jou praat en sê: 'Wil jy nie vir ons verklaar wat jy met hierdie dinge bedoel nie?' 19 Sê vir hulle: 'So sê יהוה-God: "Let op, Ek sal die stok van Yosef vat, wat in die hand van Efrayim is en die stamme van Yisra'el, sy bondgenote en Ek sal hulle by hom sit, by die stok van Y'udah en hulle een stok maak en hulle sal een word in My hand.'" 20 Die stokke waarop jy skryf moet in jou hand, voor hulle oë, wees.

Deur die folterdood en opstanding van Yeshua is gelowiges van beide huise (Efraim en Juda), asook gelowige nie-Jode ("gentiles", onbesnedenes) tot een nuwe mens geskep soos wat Paulus dit in Efes. 2:11 tot 18 verduidelik:

11 As gevolg hiervan, onthou dat julle vroeër nie-Jode in die vlees was en 'onbesnedenis' genoem is, anders as hulle wat 'die besnedenis' genoem word en 'n werk is wat aan die vlees met hande gedoen word 12 en dat julle in daardie tyd sonder Die Gesalfde Een was, vreemdelinge aan die nasionale lewe van Yisra'el en vreemdelinge aan die verbond van die belofte, sonder aktiewe verwagting en sonder God in die wêreld. 13 Nou, in Die Gesalfde Een, Yeshua, het julle wat vroeër op 'n afstand was, naby gekom deur die bloed van Die Gesalfde Een, 14 want Hy is ons Vrede, Hy wat albei een gemaak en die middelmuur van skeiding vernietig het. 15 In Sy fisiese liggaam het Hy die haat waardeloos gemaak, wat deur die opinie van mense veroorsaak is aangaande opdragte aangaande die wet sodat deur Sy liggaam, die twee tot een nuwe mens geskep kon word. 16 Hy het die twee se verhouding met God herstel in Een liggaam en deur Sy kruisiging die haat doodgemaak. 17 Hy het gekom en die goeie boodskap van vrede, vergenoegdheid, gesondheid en voorspoed aan julle wat ver was en aan die wat naby was verkondig, 18 want in Hom is daar vir ons albei toegang deur een Gees tot die Vader.

Yeshua is ons Vrede wat albei huise, asook nie-Jode wat Yeshua as Messias bely, deur Sy liggaam tot een nuwe mens geskep het! Daarom het Paulus ook gesê:

Daar is nie Jood of Arameër nie, daar is nie slaaf of vryman nie, daar is nie man of vrou nie, maar julle is almal een in eenheid met Die Gesalfde Een, Yeshua. As julle aan Die Gesalfde Een behoort, is julle die saad van Avraham en volgens die belofte, erfgename. Gal. 3:27 en 28.

Maar met die wederkoms van Yeshua sal die Hemelse Koninkryk weer fisies hier op aarde gevestig word.

Die sewende engel het geblaas en daar was harde stemme in die hemel wat sê: “Die koninkryk van die wêreld het die Koninkryk van ons God en van Sy Gesalfde Een geword en Hy sal heers vir tydlose ewigheid.” Open. 11:15

Dan sal Eseg. 37:21 en 22 ‘n fisiese werklikheid word: *Ek sal hulle een volk maak in die land,en een Koning (Yeshua) sal vir hulle almal Koning wees en hulle sal nie meer twee nasies wees nie en nie verder in twee koninkryke verdeeld wees nie.*

Maar tot en met die wederkoms dien elkeen wat vertrou in Yeshua as die Messias, tot vergifnis en versoening met YHVH, in ‘n Hemelse Koninkryk onder die Koningskap en Hoofpriesterskap volgens die orde van Melgisédek! Alleenlik deur wedergeboorte word elke mens deel van die Koninkryk van die Hemel en word ons burgers van die hemel.

Want ons burgerskap is in die hemele, van waar ons ook as Verlosser verwag die Meester, Yahshua die Messias, wat ons vernederde liggaam van gedaante sal verander, om gelykvormig te word aan sy verhoogde liggaam volgens die werking waardeur Hy ook alles aan Homself kan onderwerp. Fil. 3:20 en 21 – Woord en Getuienis.

Totdat die fisiese herstel van die Koninkryk van YHVH sal plaasvind, is Sy Koninkryk in ons – in ons midde daar waar ons is (Luk. 17:21).

Opsommend: Eenheid tussen die huis van Efraim en die huis van Juda, asook met die vreemdeling wat by hulle aansluit, is slegs moontlik in Yeshua Die Gesalfde Een! Sonder Yeshua is ware eenheid nie moontlik nie! Onthou: Versoening met YHVH vereis vertroue in Yeshua as gekruisigde en opgestane Messias en gehoorsaamheid aan YHVH se Torah soos dit in Yeshua vervul is, naamlik tot volledigheid gebring is!

Bepeins of Bespreek

1. Talle in die Messiaanse Beweging beywer hulle vir fisiese eenwording met die huis van Juda. Ja, selfs tot die mate dat Yeshua eers tydelik “opsy gesit” word terwille van eenheid. Is hierdie ywer tot eenwording deur die Gees van God gedryf, of is dit die wil (werke) van mense?
2. Kan ek met my broer Juda wat Yeshua as die Lam van God verwerp versoen wees? Is die antwoord te vinde in Matt. 12:46 tot 50? Onthou ook in die verband die woorde van Yeshua in Matt. 10:34 tot 37!
3. Moet ons waak teen die eenwording van alle godsdienste soos wat ons vandag op alle fronte sien gebeur? Die vraag is wel of ons daarna moet strewe om in vrede met ander godsdiensgroepe te lewe? Wat is die wil van die Vader in die verband? Is die antwoord te vinde in Matt. 12:30?
4. Aansluitend hierby is die vraag: Watter God dien die huis van Juda? Is dit dieselfde God as die God van elkeen wat wedergebore is, naamlik die God van Abraham, Isak en Jakob?

Is YHVH die Vader van die huis van Juda al verwerp hulle Sy Seun? Is die antwoord Joh. 8:42, 44 en 47?

-o-o-o-o-o-o-o-o-

Ontvang YHVH se Woord met welwillendheid, maar ondersoek self die Skrifte of hierdie dinge die waarheid is (Hand. 17:11).

Shabbat Shalom.
Johan.

Epos: kontak@nuwelielied.info
Webwerf: <http://www.nuwelielied.info>

Kopieë mag gemaak en gratis versprei word, maar mag nie verkoop word nie. Geen veranderinge mag aan die oorspronklike teks aangebring word en dit dan onder die naam van Nuwe Lied Bediening versprei nie.

Rabbynse Judaïsme: Het Jy Geweet?

Deel 7: Kabbalah en die Zohar

Hersiening

In Deel 4 is die gees wat Rabbynse Judaïsme, en wat ook in die Talmud openbaar word, bespreek. Aangesien Rabbynse Judaïsme ontken dat Yeshua die Messias is, is dit volgens die Skrifte van die nuwe verbond die gees van die Antimessias wat openbaar word (1 Joh. 2:22 en 23; 1 Joh. 4:2 en 3; 2 Joh. 1:7). Dit is dus ook hierdie gees wat in die Talmud openbaar word soos bewys word deur die lasterlike uitsprake teenoor Yeshua en Christene, asook die minderwaardige siening wat Jode van “nie-Jode” (*goyim*) het en selfs van vroue in die algemeen!

In Deel 5 is bewys gelewer van die verwaande siening dat beide Rabbynse Judaïsme en die Talmud bokant die gesag van YHVH-God verhewe is. Die Rabbis glo dat YHVH die Torah aan Moses gegee het, maar dat die Jode toe die taak opgelê is om die Torah verder te “ontwikkel” – die sogenaamde evolusie van die menslike begrip van YHVH-God. Dit is hoe die mondelinge Torah ontstaan het en wat vandag bekend is as die Talmud.

Rabbynse Judaïsme het hulle eie waarheid aangaande YHVH se Woord ontwikkel. Die Talmud bevat die gedagtes en menings van die Rabbis wat volgens die vleeslike die Woord van YHVH verklaar. Maar Yeshua het gesê dat ons die Afgesonderde Gees nodig het om die waarheid te ken (Joh. 14:17; Joh. 15:26 en Joh. 16:13).

Diegene wat Yeshua verwerp, het die gees van die Antimessias en nie die Afgesonderde Gees nie! Rabbynse Judaïsme het dus nie die Gees van Waarheid nie, en daarom bevat die Talmud ook nie die woorde van die Gees van Waarheid nie!! Dit mag soos waarheid lyk, maar dit is menslike wysheid! Slegs dié wat deur die Gees van God gelei word, dié is kinders van God (Rom. 8:14).

Die gees van die Antimessias word soveel duideliker openbaar deur die uitoefening van Kabbalah en in die Zohar en verwante skrifte!

Wat is Kabbalah

Baie is bekend met die term ‘Kabbalah’ (Kabbala, Kabala, Cabbala, Cabala), maar min weet wat dit werklik beteken of behels. Hoewel daar deesdae baie vertakkings (vorme) van Kabbalah bestaan, kan die oorsprong daarvan teruggevoer word na antieke Babilon. Daarom is Kabbalah reeds vir eeue deel van Rabbynse Judaïsme, hoewel dit nie deur alle Ortodokse Jode gepraktiseer word nie. Kabbalah is egter ‘n integreerende deel van Chassidiese (Hassidiese) Judaïsme en dele vanuit Kabbalistiese bronne sal byvoorbeeld in hul gebede boeke ingesluit word.

Die belangrikste is om te verstaan dat beide die Talmud, soos voorheen reeds bespreek is, en Kabbalah met Babiloniese afgodery besoedel is!! Babilon beteken ‘verwarring’ en Satan het ten doel om verwarring te skep deur die waarheid en die leuen te meng op ‘n wyse dat dit steeds soos die waarheid lyk, maar ‘n gruwel in YHVH se oë is.

Die vrou was aangetrek met pers en skarlakenrooi en versier met goud, edelstene en pèrels en sy het in haar hand ’n goue beker gehad, vol verwerplikhede en die vuilheid van haar seksuele immoraliteit en tussen haar oë is geskryf: die geheime, groot Bavel, die moeder van hoere en van die vuilhedes van die aarde. Open. 17:4 en 5.

Die bedoeling is nie om Kabbalah volgens Rabbynse Judaïsme volledig te bespreek nie, maar om slegs sekere basiese inligting te gee wat as waarskuwing sal dien om nie daaraan deel te hê nie!! Die inligting wat in hierdie skrywe vervat is, is egter slegs die puntjie van die ysberg – die oortjies van die seekoei!

Vir eeue lank was Kabbalah geheim gehou en was dit slegs toeganklik vir diegene wat ‘n sekere geestelike vlak bereik het, gewoonlik op die ouderdom van 40 nadat hulle hul studies van die Torah en die Talmud voltooi het. Die blote feit dat Kabbalah geen erkenning aan Yeshua Messias gee nie, en dat dit slegs bedoel is vir ‘n uitgesoekte groep wat ‘n sekere geestelike vlak bereik het, behoort voldoende bewys te wees dat die Afgesonderde Gees van YHVH niks hiermee te doen het nie!

Die dissipels van Kabbalah is geestelik blind en dus mislei. Hulle bedoelings en soeke na die waarheid is meestal opreg, maar hulle ken nie YHVH-God se geregtigheid nie. Paulus verduidelik dit in Rom. 10:1 tot 4 soos volg:

1 My broers, die begeerte van my verstand, wil en emosie en my intriede voor God vir hulle, is vir hulle onthulende dat hulle gered mag word, 2 want ek getuig van hulle dat hulle ’n ywer vir God in hulle het, maar nie in kennis nie 3 omdat hulle die onpartydige opregtheid van God nie ken nie, maar hulle eie onpartydige opregtheid probeer oprig; daarom het hulle die onpartydige opregtheid van God nie gehoorsaam nie, 4 want die einddoel van die geskrewe wet is Die Gesalfde Een tot onpartydige opregtheid aan elkeen wat vertrou.

Vir Rabbynse Judaïsme het Kabbalah geen negatiewe of boosaardige verbintenis nie, want die gees wat Kabbalah dryf is Satan wat hom voordoen as ‘n engel van die lig (2 Kor. 11:14). En tog is dit interessant dat die Afrikaanse woord ‘kabaal’ afgelei is van ‘kabbalah’ en die betekenis bevat die gedagte van ‘geheimsinnig’ en ‘knoeiery’.

Kabbalah word ook die ‘siel van die Torah’, die ‘innerlike Torah’ en die ‘wysheid van die waarheid’ genoem. Dit is reeds vir eeue die mistieke (geheimnisse) van die Jodedom. Beoefening van Kabbalah, so word gegelo, openbaar die geheime en wysheid van Torah en die Talmud op ‘n mistieke wyse! Dit is ook glo die wyse om voldoening op elke vlak van die lewe te ondervind.

Volgens www.aish.com die volgende:

Kabbalah is to Torah what philosophy is to science. Kabbalah is the Torah's expression of the way the world works.

Daarom is Kabbalah afgelei van die Hebreuse woord *kabeil* wat ‘ontvang’ of ‘aanvaar’ beteken. Die ‘uitgesoektes’ of die wat gekies is, ontvang (aanvaar) ondermeer die geheimenisse (openbaringe) en wysheid van:

- Die doel van die skepping.
- Die mistieke werking van die heelal.
- Die essensie van God deur ondermeer antropomorfiëse (vermenslikte) analogieë (ooreenkomste, vergelykings).
- ‘n Verhoogde staat van meditasie en bewusmaking deur middel van die gebruik van God se Naam en (herhalende) magiese uitsprake (‘mantras’ – ‘n herhaling van woorde of klank tydens meditasie).
- Die beïnvloeding van die verloop van die natuur.

Die baie bekende Kabbalis Rav Michael Laitman (Ph.D) gee die volgende verduideliking: *Kabbalah teaches us how to discover the force that guides us, and in doing so, receive infinite joy and pleasure.* (<http://www.kabbalahnewyork.com/>).

Hierdie ontdekking van *the force that guides us* (die mag of magte wat ons lei) verwys **nie** na die Gees van YHVH nie, maar na magte en ‘n ander gees of geeste!! Dit opsigself is genoeg rede om Kabbalah as die gees van die Antimessias te beskou, want dit is alleenlik die Afgesonderde Gees wat elkeen wat werdergebore is moet leer en lei, soos wat Yeshua bevestig het toe Hy gesê het:

Hierdie dinge het Ek vir julle gesê terwyl Ek by julle is, maar die Bevryder en Lewegewer, die Gees van Afsondering, wat My Vader in My Outoriteit en Karakter sal stuur, sal julle alles leer en julle herinner aan alles wat Ek vir julle gesê het. Joh. 14:25 en 26.

Daar is een Skepper-God en Sy Naam is YHVH (Yahuah) wat ons deur Sy Gees sal leer en herinner om alles te doen wat Yeshua Die Geselfde Een ons geleer het. As koninklike priesters volgens die orde van Melgisédék moet geen ander gees die mag of magte (*the force that guides us*) wees wat ons lei nie, want dan is dit demoniese manifestasies!

Soos reeds genoem is die volgeling van Kabbalah se doel en begeerte om sogenaamde verborge kennis en wysheid te bekom.

Die bekende Kabbalis Yehuda Ashlag (Baal HaSulam) verduidelik in sy artikel “[The Essence of the Wisdom of Kabbalah](#)” hierdie wysheid soos volg:

This wisdom is no more and no less than a sequence of roots, which hang down by way of cause and effect, in fixed, determined rules, interweaving to a single, exalted goal described as, “the revelation of His Godliness to His creatures in this world.”

Op die webblad van *Bnei Baruch* (<http://www.kabbalahnewyork.com/>) word daar dan soos volg uitgebrei op hierdie woorde van Yehuda Ashlag:

*In simpler words, there is **an upper, all-inclusive force**, or “the Creator,” controlling everything in reality. All the **world’s forces** descend from this **comprehensive force**. Some of these forces are familiar to us, such as gravity or electricity, while there are forces of a higher order that act while remaining hidden to us.*

*Kabbalah holds the map or the knowledge of how these **hidden forces** are structured, and the laws by which they influence us. It teaches us (through books such as *The Zohar* and other means) how to develop a sense of **these forces**, and finally, discover their only purpose – to bring us to the revelation of the Creator, the all-inclusive law of nature, while living in this world.*

Weereens moet daar gelet word op die verwysing na ‘n *upper, all-inclusive force, world’s forces, hidden forces* en *these forces*. Terwyl sommige van hierdie magte as die natuurwette beskou word, word daar ook na ander *hidden forces* (verskuilde en geheime magte) verwys! Aangesien Kabbalah met die geesteswêreld te doen het, kan ons met sekerheid weet dat hier ook gepraat word van demoniese magte!

Hoewel Kabbalah vir eeue lank ‘n goed bewaarde geheim was, is daar hedendaags talle organisasies binne en buite Israel wat kursusse en studiemateriaal aanbied om mense alles te leer aangaande Kabbalah. So byvoorbeeld is die doel van die *Bnei Baruch* organisasie die volgende:

Bnei Baruch is an educational organization that is dedicated to spreading the Wisdom of Kabbalah to English speakers. Our mission is to make available authentic Kabbalah materials to anyone who seeks to understand the true purpose of their life.

Let weereens op die volgende: *...to make available authentic Kabbalah materials to anyone who seeks to understand the true purpose of their life*. Het ons verskuilde magte en vreemde demoniese geeste nodig om ons lewensdoel as wedergebore en Geesge vulde dienaars van YHVH te verstaan? Nee, want Yeshua is ons Brood wat ware Lewe gee en Hy is die Fontein wat ons geestelike dors les!

33 want die Brood van God, is Hy wat vanuit die hemel afgekom het en aan die wêreld die lewe gee.” 34Hulle antwoord Hom: “Ons Meester, gee altyd vir ons hierdie Brood.” 35 Yeshua sê vir hulle: “ אֲנִי אֵלֶּה - Ek is, was, sal wees Wie Ek is, was, sal wees, die Brood van Lewe; wie na My toe kom, sal nooit honger wees nie en wie in My vertrou, sal nooit dors wees nie, tot in ewigheid, Joh. 6:33 tot 35.

Let ook op die volgende: *.....to make available authentic Kabbalah materials to anyone!!* Kabbalah is vir enige iemand wat hierdie verborge kennis en wysheid wil bekom! Hier word geen melding gemaak van ‘n vereiste om in die ware Skepper-God, YHVH El Shaddai – die Magtige God wat meer as genoeg is (Ex. 6:3) – te glo nie!

Die God van ons Meester, Yeshua, Die Gesalfde Een, die Vader van eer, lof en aanbidding, gee aan ons die Gees van wysheid en openbaring saam met kennis van Hom. Nie Kabbalah nie!! Paulus verduidelik dit soos volg in Efes. 1:15 tot 23:

15 Om hierdie rede, let op, vandat ek gehoor het van julle vertroue wat in ons Meester Yeshua is en julle liefde tot die afgesonderdes, 16 hou ek nie op om dankie te sê vir julle en om julle te onthou in my gebede nie 17 sodat die God van ons Meester, Yeshua, Die Gesalfde Een, die Vader van eer, lof en aanbidding, aan julle die Gees van wysheid en openbaring mag gee saam met kennis van Hom 18 en dat die oë van julle verstand, wil en emosie verhelder sal word sodat julle kan weet wat die versekerde verwagting van Sy roeping en wat

die rykdom van Sy erfdeel van eer en lof is onder die afgesonderdes ¹⁹ en wat die oorvloedige grootheid van Sy wonderwerkende krag is, in ons wat vertrou, volgens die effektiewe aksie van Sy krag ²⁰ wat Hy gewerk het in Die Gesalfde Een toe Hy Hom uit die dood uit opgewek het en Hom laat sit het aan Sy regterhand in die hemel, ²¹ ver bo alle heersers, outoriteite, wonderwerkende kragte, meesters en elke karakter en outoriteit (naam) wat genoem word, nie alleen in hierdie wêreld nie, maar ook in dié een wat kom. ²² Hy het alles in gehoorsaamheid onder Sy voete gesit³ en Hom wat hoër as alles is as Hoof oor die gemeente, ²³ wat Sy liggaam is, gegee; die volledigheid van Hom wat alles in almal volledig maak.

Dit is deur vertrou in Yeshua dat die oë van ons verstand, wil en emosie verhelder word sodat ons kan weet wat die versekerde verwagting van Sy roeping is en wat die rykdom van Sy erfdeel van eer en lof is onder ons as die afgesonderdes en wat die oorvloedige grootheid van Sy wonderwerkende krag is, in ons wat vertrou!

Rabbynse Judaïsme het Yeshua verwerp en daarom is Kabbalah ‘n poging om by wyse van die natuurwette en vreemde geeste antwoorde oor die doel van die lewe te vind, asook om vrede, voorspoed, gesondheid en vergenoegdheid op dié wyse deelagtig te wees! Dit herinner ons aan die woorde van Paulus wat van toepassing is op Rabbynse Judaïsme en elkeen wat ‘n student van Kabbalah is:

⁷ want die geheime van die wetsoortreders is alreeds aktief aan die werk, net totdat hy wat nou beheer, verwyder word ⁸ en dan sal die Wettelose openbaar word; hy wat met die asem van ons Meester, Yeshua se mond vernietig sal word en deur die openbaring van Sy koms tot niet gemaak sal word. ⁹ Die koms van dié een is volgens die werking van die teëstander, in elke vals krag, tekens en wonderwerke ¹⁰ en met elke misleiding van boosheid in wat vernietig word, want hulle het nie die liefde vir die waarheid aanvaar waarin hulle lewe sou hê nie. ¹¹ God het daarom vir hulle die effektiewe werking van die misleiding gestuur dat hulle die leuen sal glo. ¹² Almal wat nie vertrou het in die waarheid nie, maar boosheid gekies het, sal geoordeel word. 2 Thess. 2:7 tot 12.

Paulus sê dat die koms van die Antimessias – die teëstander – gepaard sal gaan met *vals krag, tekens en wonderwerke en met elke misleiding van boosheid in wat vernietig word, want hulle het nie die liefde vir die waarheid aanvaar waarin hulle lewe sou hê nie.* Daarom het YHVH vir hulle die effektiewe werking (die krag) van die misleiding gestuur sodat hulle die leuen sal glo.

Daarom sal almal wat nie vertrou het in die Waarheid nie, maar boosheid gekies het, geoordeel word. Kabbalah is boosheid, en elkeen wat gekies het om ‘n volgeling daarvan te wees, sal geoordeel word!!

Kabbalah En Ander Geloofspraktyke.

‘n Studie van Kabbalah toon duidelike ooreenkomste met ander geloofspraktyke, ondermeer die volgende:

- Vrymesselary.
- Toorkuns en heksery.
- Okkultisme.
- Gnostisisme.
- Astrologie.

- ‘New Age’.
- Islam.
- Joga.

Op die webblad van Judaism 101 (<http://www.jewfaq.org/kabbalah.htm>) is die volgende verduideliking insake toordery (towerkuns) en Kabbalah:

I do not mean to suggest that magic is not a part of Kabbalah. There are certainly many traditional Jewish stories that involve the use of hidden knowledge to affect the world in ways that could be described as magic. The Talmud and other sources ascribe supernatural activities to many great rabbis. Some rabbis pronounced a name of G-d and ascended into heaven to consult with the G-d and the angels on issues of great public concern. One scholar is said to have created an artificial man by reciting various names of G-d. Much later stories tell of a rabbi who created a man out of clay (a golem) and brought it to life by putting in its mouth a piece of paper with a name of G-d on it.

Hierdie webblad beweer ook dat Yeshua wonderwerke verrig het deur Kabbalistiese tegnieke te gebruik wat Hy by die Esseneërs van Qumran geleer het.

Praktiese Toepassing van Kabbalah

In die praktiese toepassing en uitleef van Kabbalah word daar ondermeer gebruik gemaak van die volgende ‘hulpmiddels’:

- Besweringe (towerspreuke). Insluitend die vervloeking van mense. Hierdie ritueel is bekend as *Pulsa diNura* of *Pulsa Denoura* (Aramamees: דנורא פולסא "lashes of fire") en word gevind in antieke Hebreeuse geskrifte soos die *Sefer ha-Razim* en in die *Harba de-Moshe*. Hierdie ritueel word beskryf as *a purportedly kabbalistic ceremony in which the angels of destruction (החבלה מלאכי) are invoked to block heavenly forgiveness of the subject's sins, causing all the curses named in the Bible to befall him resulting in his death. It is the curse of all curses.* Die volgende skakels word aanbeveel:

https://www.youtube.com/watch?v=iIEMoj_K5KA Pulsa DiNura – The Most Severe Curse in Judaism.


<https://www.youtube.com/watch?v=zXG2jhvGHd8> Ariel Sharon dies of Kabbalah killing curse.

- Gelukbringers (talismans). Byvoorbeeld ‘n helderrooi woltoutjie wat sewe maal geknoop is en aan die linker gewrig as beskerming gedra word. Dit is ook die gebruik by Hinduïsme! Die webblad <https://www.kabalatalisman.com/> verskaf byvoorbeeld die volgende inligting: *Rabbi David Azulai is a **Kabbalah** teacher.... has more than 30 years of experience of writing talismans..... Every talisman is unique and addresses a particular problem. The writing process of such talismans is quite complex and time consuming. Only those who understand Kabala and possess divine powers can create such powerful and impactful talismans. From ancient time, people across the globe have been using amulets and talismans to improve their luck, love life, business and carer performance and overall wellbeing.* Wat is hierdie anders as Afrika toordokters met hulle dolosse en mutis?
- Chiromansie (handkykery; handpalmlesery).

- Fisionomie (gelaatkunde; persoonlikheidsbepaling deur uiterlike gelaatstrekke).
- Fokus op Hebreeuse letters vir genesing en beskerming, asook vir emosionele en geestelike ‘suiwering’.

Kabbalah Se Boom Van Die Lewe

Volgens Kabbalah is die ware wese van God bekend as *Ein Sof* en beteken ‘sonder einde’ en omsluit die konsep van sonder grense in terme van tyd en ruimte en dat Sy voortreflikhede (hoedanighede) onbeskryfbaar is. Daar word geglo dat die *Ein Sof* se voortreflikhede van so ‘n aard is dat daar geen direkte interaksie met die Skepping kan wees nie. Daarom word geglo dat die interaksie met die skepping by wyse van openbaarmakings van die *Ein Sof* geskied. Hierdie openbaarmakings staan bekend as die tien *Sefirot* en word ook die boom van die *Sefirot* of die boom van Kabbalah genoem. Dit word diagramaties soos volg uitgebeeld en verduidelik (<http://www.jewfaq.org/kabbalah.htm>):



www.jewfaq.org

Keter (the crown), Chokhmah (wisdom), Binah (intuition, understanding), Chesed (mercy) or Gedulah (greatness), Gevurah (strength), Tiferet (glory), Netzach (victory), Hod (majesty), Yesod (foundation) and Malkut (sovereignty).

The Ten Sefirot include both masculine and feminine qualities. Kabbalah pays a great deal of attention to the feminine aspects of G-d.

The Sefirot connect with everything in the universe, including humanity. The good and evil that we do resonates through the Sefirot and affects the entire universe, up to and including G-d Himself.

Ten slotte: Ek wil dit weereens duidelik maak dat hierdie skrywe ‘n baie kort verduideliking van Kabbalah is. Daar is baie meer inligting beskikbaar en daar is baie uiteenlopende sieninge. Maar die mees belangrike is om te verstaan dat Kabbalah ‘n openbaring is van die gees van die Antimessias. Dit het weinig, indien enige, Skriftuurlike gronde en is soos die Talmud ‘n verwerping van Yshua as die Messias! Dit is Satan wat hom voordoen as ‘n engel van die lig!

14 Moenie saam met ongelowiges gejuk wees nie. Watter deel het onpartydige opregtheid met die oortreding van die wet en watter gemeenskap het lig met die duisternis? **15** Of watter ooreenstemming het Die Gesalfde Een met die teëstander; of watter deelname het die wat vertrou met die ongelowige? **16** Watter ooreenkoms het die tempel van God met demone? Julle is die tempel van die lewende God, net soos gesê is: “Ek sal in hulle bly en Ek sal in hulle leef en Ek sal hulle God wees en hulle sal vir My ‘n volk wees.” **17** “As gevolg hiervan,” sê יהוה, “gaan van tussen hulle uit, skei jou af van hulle, raak nie die dinge wat onrein is, aan nie⁴ en Ek sal julle ontvang **18** en Ek sal vir julle ‘n Vader wees en julle sal vir My seuns en dogters wees,” sê יהוה, wat almal vashou. 2 Kor. 6:14 tot 18.

Webbladskakels: Die volgende word aanbeveel:

- <https://www.youtube.com/watch?v=vxJ8XVCnbKI> **Secrets of Kabbalah: The Ancient Babylonian Mysticism (Full Documentary).**
- <https://www.youtube.com/watch?v=ZtRgXPjZsME> The Kabbalah- What it truly is part 1.
- <https://www.youtube.com/watch?v=-xdSnZO7KQY> A Devil in Disguise - Kabbalah Magick, Mystery Babylon & Ancient Forbidden Knowledge - pt9 .

Die Zohar

Die Zohar is die “heilige skrifte” van Kabbalah en sal in Deel 8 meer volledig bespreek word.

-0-0-0-0-0-0-0-

Shalomgroete.

Johan.

Epos: kontak@nuwelied.info

Webwerf: <http://www.nuwelied.info>

Kopieë mag gemaak en gratis versprei word, maar mag nie verkoop word nie. Geen veranderinge mag aan die oorspronklike teks aangebring word en dit dan onder die naam van Nuwe Lied Bediening versprei nie.